



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

Ս. ՖԵՂՈՐՕՎԻՉ



ԺՈՂՈՎՐԴԱԿԱՆ

ՓՈՂԵՐԸ

ԻՆՉՊԷՍ ԵՆ ՀԱՒԱՌԻՈՒՄ ԵՒ

ԻՆՉԻ ՎՐԱՅ ԵՆ ԵԱՆՍԻՈՒՄ

ԹՂՐԳՄ. ՌՈՒՍԵՐԷՆԻՑ



ԹԻՖԼԻՉ

1908 թ.

ԳԻՆՆ Է 5 ԿՈՊ.

336
Ֆ-32

15 JAN 2010

A 852

№ 3 Գրադարան «Յ Ա Ռ Ա Ջ»-ի № 3

336
Փ-32
ալ

Ս. ՖԵՂՈՐՕՎԻՉ

ԺՈՂՈՎՐԴԱԿԱՆ

ՓՈՂԵՐԸ

Ինճղես են ՀԱՆՔԻՌՈՒՄ ԵՒ
Ինճի վՐԱՑ ԵՆ ԽԱԽՄՈՒՄ

4/2

ԹԱՐԳՄ. Ա. Մ.



ԹԻՓԼԻՉ

Տպարան Գր. Չարկվանի Միքայելյան փողոց № 40.

1906 թ.

27.051

5 SEP 2013



1114
42.

Մեր ժամանակայ բոլոր տէրութիւնները իրենց հազար ու մի կարիքներին բաւարարութիւն տալու համար ամեն տարի ծախսում են ահազին գումարներ, հարիւր հազարաւոր միլիոն ռուբլիներ:

Տէրութիւնները այդ փողերը սրտեղից են ձեռք բերում:— Այսպէս հարցնողին սովորաբար պատասխանում են՝ «Խաղ-նից», «Գանձարանից»:—Լաւ:

Բայց ինքը, այդ գանձարանը սրտեղից է շարունակ փող ստանում:

Գանձարանի փողը գալիս է այն անթիւ անհամար տուրքերից, խարջերից, հարկերից, որ տէրութիւնը դրել է բոլոր բնակիչների վրայ:

Ով ունի հող, տուն, գործարան, կամ ով պարապում է վաճառականութեամբ, հանքագործութեամբ և այլն, տէրութիւնը նրա վրայ հարկ է դնում: Այդ տեսակ հարկը սովորաբար կոչւում է սւղղակի հարկ, որովհետեւ ամեն մէկը, իբր թէ, իր ունեցած կարողութիւնից է տալիս: Ասենք սա ճշմարտութիւնից շատ հեռու է. բայց դրա մասին յետոյ կը խօսենք: Իսկ առայժմ ենթադրենք որ այդպէս է: Բոլորս էլ գիտենք, որ ամեն մի տէրութեան մէջ բնակիչները բաժանւած են զանազան դասերի. անհաշիւ հարստութիւն ունեցող մի խումբ մարդկանց և ուրիշ ունեւոր դասակարգերը կողքին մենք տեսնում ենք միլիոնաւոր կիսաբաղիւղ ազգասններ, որոնք ապրում են իրենց ճակատի քրտինքով վաստակած օրական ծանր աշխատանքով: Այս թշուառների վրին հարկ դնել չի կարելի. ճիշտ է, դրանք ամեն տէրութեան մէջ բնակիչների ամենամեծ մասն են կազմում ու դրանց թիւը սասնեակ միլիոնների է հասնում, բայց չէ որ այդ մարդիկ բացի մի մութ անկիւնից, ցնցոտիներից ու մի կտոր շորից ուրիշ ոչինչ չունեն:

Այդ հարկերով չի կարելի ծանրաբեռնել և նրանց, որոնց ամբողջ հարստութիւնը ուժից ընկած մի պատառ հողն է, որի վրայ, մի մեծ մարդու, Լև Տոլստոյի ասածի նման «մի հաւ բաց թողնելու տեղ անգամ չկայ»:

Ի՛հ, ասենք մեր տէրութիւնը այնքան «խելօք» է, որ զրանց նմաններէից էլ կարողանում է պոկել զանազան տեսակի տուրքեր: Ուրեմն բնակիչները ամենամեծ մասը այդ ուղղակի կոչւած հարկերը չէ կարող վճարել, կամ թէ շատ քիչ է վճարում. իսկ ունեւորները և հարուստները, որոնք կարող են վճարել ուղղակի հարկ, այնքան քիչ են վճարում, որ եթէ զանձարանը ուրիշ է կամ ուտան եր շունենար՝ եղած գանձի չորս մասից երեքը կը պակասէր: Մինչդեռ այդպէս չէ, և զանձարանը տարէ ցտարի աւելի հարստանում է:

Որտեղից են գալիս զանձարանի մնացած փողի այն անազին գումարները:

Գոյութիւն ունի մի ուրիշ տեսակ հարկ, որ կոչւում է անուղղակի հարկ. անա այդ ձևի հարկերն են, որ ամեն տարի զանձարանը լցնում են միլիոններով:

Անուղղակի հարկերը շատ խորամանկ կերպով են սարքւած. առաջին՝ այդ հարկերը բոլոր մարդիկ են վճարում, հարուստ թէ աղքատ առանց բացառութեան: Երկրորդ՝ հարկ վճարողները շատ անգամ նոյնիսկ չեն նկատում, կամ բոլորովին չեն էլ իմանում, թէ հարկի համար իրենք շարունակ փող են վճարում: Երրորդ՝ որքան հարկատուն աղքատ է, այնքան աւելի անտանելի է նրա համար այդ տեսակ հարկի ծանրութիւնը, մինչդեռ հարուստի զբաւանի համար անուղղակի հարկը մի դատարկ բան է:

Աւելի մանրամասն քննենք ու տեսնենք այդ ինչ տեսակ հարկեր են և ինչ հրաշքով են զանձարանը լցնում այնքան փողով:

Անուղղակի կամ կողմնակի հարկեր կոչւում են այն հարկերը, որոնք զբաւան են ամենագործածական, ապրուստի պիտոյքների և այլ ապրանքների վրայ:

Բայց ինչպէս են հաւարում այդ տուրքերը.

Չատ հասարակ ձևով:—Այս կամ այն ապրանքի իսկական արժէքի վրայ աւելացնում են հարկի փողը և այդպէս

թանգացրած գնով ապրանքը դուրս բերում ծախելու: Ասենք թէ առարկան սկզբում արժէք, չորս կոպէկ, դրա վրայ աւելացնում են երկու կոպէկ հարկի վճարը և այդ ձևով դուրս բերում ծախելու: Առարկան առնելիս մարդ շատ անգամ ուշ չի դարձնում, կամ չի էլ իմանում, թէ վեց կոպէկ վճարելով նա այդպիսով երկու կոպէկ անուղղակի հարկ է տալիս:

Օրինակ. մինչև Ռուս-Եսպանական պատերազմը 10 տուփ լուցկին արժէք, հարկը հետը հաշւած-8 կոպէկ. այժմ թանգացրել են հարկը չորս կոպէկով, այնպէս որ առաջւայ ութ կոպէկի փոխարէն այժմ 10 տուփ լուցկին ծախւում է 12 կոպէկով: Հարկերով թանգացրած այդպիսի ապրանքներ շատ շատ կան: Օրինակ. արատասահմանից Ռուսաստան ապրանք մտցնելու ժամանակ սահմանում նրանց վրայ մաքս են դնում: Վաճառականը այդ մաքսը ստանում է աւնողներէից, թանգ գնով ծախելով իւր ապրանքը:

Ուրեմն մենք տեսնում ենք, որ ամեն տեղ, ամեն դէպքում անուղղակի հարկերը վճարում է ժողովուրդը:—Սա դեռ նրանց մի յատկութիւնն է:

Անուղղակի հարկերի երկրորդ յատկութիւնն էլ այն է, որ ինչպէս սկզբում ասացինք, այդ տուրքերը վճարում են անխտիր բոլոր մարդիկ: Բացատրենք:

Բանը նրանումն է, որ զանազան տեսակի ապրանքներ կան. կան այնպիսի ապրանքներ, որոնք հարկաւոր են ամեն մարդու՝ թէ հարուստին թէ աղքատին. ոչ որ առանց այդ ապրանքների չի կարող եօլա գնալ. օրինակ. շաքար, թէյ, նալթ, ծխախոտ, լուցկի, գինի, օղի և այլն. այս առարկաները անհրաժեշտ են ամենքին և բոլորն էլ աւնում են զրա համար էլ կոչւում են կեղտակաւ անհրաժեշտ պիտոյքներ կամ առաջին կարգի անհրաժեշտ առարկաներ:

Բայց կան և ուրիշ տեսակի ապրանքներ. աղքատ մարդիկ այդ ապրանքները ոչ տեսնում են և ոչ էլ գործ ածում.— զրանք ընդհանրապէս թանկագին իրեղէններ են, որ գործ են ածում միայն հարուստ դասակարգերը: Խեղճ աղքատը ինչ գործ ունի նրանց հետ: Նրանք պատրաստւած են միայն հարուստների համար, միայն հարուստները կարող են նրանցից

օգտուել... այդպիսի ապրանքները կոչուում են ճ ո խ ու թ ե ա ն ա ու ր կ ա ն ե ր :

Եթէ անուղղակի հարկեր դնէին միայն այդ տեսակ ապրանքների վրայ այն ժամանակ միայն հարուստ դասերը կը վճարէին անուղղակի տուրքեր,իսկ աղքատները կազատէին: Նրանցից, որովհետեւ ճոխութեան, շռայլութեան իրեղէնները աշխատաւոր մարդիկ չեն առնում, ապա ուրեմն նրանց վրայ դրած տուրքերը չեն վճարում: Բայց եթէ անուղղակի հարկերը ընկնէր միայն հարուստների վրայ, այն ժամանակ զանձարանը շատ քիչ շահ կունենար, որովհետեւ, ինչպէս արդէն գիտե՞ք, ամեն երկրում հարուստների թիւը՝ համեմատած բնակիչների ընդհանուր թւի հետ՝ շատ քիչ է:

Դրա համար էլ խորամանկ կառավարութիւնը մտածել է այնպէս անել, որ անուղղակի հարկերը ընկնեն ամբողջ ժողովրդի վրայ: Տէրութիւնը թանկագին իրեղէններից աւելի կարեւոր է համարել անուղղակի հարկի տակ դցել երկրի ամբողջ բնակչութեան գործածութեան ամենանհրաժեշտ պիտոյքները: Այստեղ արդէն ուզես-չուզես պէտք է ապրանք առնես, ապա ուրեմն հարկ էլ վճառես:

Այժմ խօսենք անուղղակի հարկերի երրորդ յատկութեան մասին. պէտք է հետևենք այս խնդրին առանձին ուշադրութեամբ, որովհետեւ ժողովրդի ահագին մեծամասնութեան համար հարկերի այս յատկութիւնը ամենավատն ու ամենաանտանելին է...

Բանը նրանումն է, որ բնակչութեան ամենաաղքատ դասակարգերը համեմատաբար աւելի շատ են վճարում անուղղակի հարկեր, քան հարուստները: Վերջինք, օրինակի համար, անուղղակի հարկերի ենթարկւած գործածութեան անհրաժեշտ պիտոյքներից մի քանիսը, — շաքար, թէյ, նաթ, լուցիկ, ծխախոտ, օղի և այլն: Այդ առարկաները առնողը նրանց իսկական արժէքի հետ վճարում է և անուղղակի հարկը: Ճիշտ է, այդ հարկը ամեն մի առարկայի գնի մէջ կարող են կոպէկներ լինել, թէ և երբէմն և բուրլիներ, բայց չէ որ աղքատ աշխատաւոր մարդու միջոցներն էլ մեծ չեն. նոյն իսկ շնչին հարկն էլ նրա համար մեծ նշանակութիւն ունի, — չէ որ նրա ամեն մի կոպէկը հաշի է առնուած: Այս դեռ մի կոպից:

Միւս կողմից՝ եթէ մի մարդ հարուստ է միւսից 10, 50 կամ 100 և աւելի անգամ, նա հօ 10, 50 կամ 100 անգամ շատ չի գործածում կենսական անհրաժեշտ պիտոյքներ: Ի հարկէ հարուստը աղքատից աւելի շատ գործ կածի նաթ, լուցիկ, շաքար և այլն, բայց ոչ այնքան շատ, որքան անգամ ինքը հարուստ է աղքատից, այլ անհամեմատ քիչ քանակութեամբ: Օրինակով պարզենք. ամսական բոսն մանէթ ստացող բանուորը կամ գլուղացին ենթադրենք ամեն ամիս զանազան ապրանքների մէջ անուղղակի հարկ է վճարում մէկ բուրլի. այդ մէկ բուրլի հարկը նրա ամսական եկամտի քսանից մի մասն է կազմում: Մի ուրիշը, որ ամսական ստանում է 200 բուրլի. դնենք թէ չորս անգամ աւելի է վճարում անուղղակի հարկ, այսինքն չորս բուրլի. բայց այս չորս բուրլին նրա ամսական եկամտի հետ համեմատած կազմում է յիսունից մի մասը: Եթէ մի ուրիշը ամսական ստանում է 2000 բուրլի և 8 բուրլի անուղղակի հարկ է վճարում, այն ժամանակ հարկի համար տուած փողը նրա ամսական եկամտի երկու հարիւր յիսուն մասից միայն մի մասն է կազմում...

Այստեղից մենք պարզ տեսնում ենք, որ 20 բուրլուց մէկ բուրլի հարկ վճարելը անհամեմատ աւելի գժար է, քան 200 բուրլուց 4 բ. կամ 2000 բուրլուց՝ 8 բուրլի:

Ահա անուղղակի կամ կողմնակի հարկերի յատկութիւնները, որոնք բնակչութեան ամենաաղքատ դասերի համար իսկական աղէտ, ցաւ ու կրակ են դառել: Լսենք թէ ինչ է ստում մի գերմանացի գիտնական, որ թէ և չիտմիսիկ, բայց բարեխիղճ մարդ է: «Ապահովւած և հարուստ մարդիկ ի հարկէ առանց որևէ զգալի վնասի կարող են վճարել անուղղակի հարկերը: Բայց ստորին և ամենաաղքատ դասերի համար դրանք ինքն ըստ ինքեան սպանիչ ու քայքայիչ մի բան են: Դրա վրայ էլ աւելանում է հարուստի առաւելութիւններից առաջացած մի ուրիշ ծանր բեռ: Այստեղ զլխաւոր շարիքը նրանում է, որ գործածութեան անհրաժեշտ պիտոյքները աղքատը անհամեմատ աւելի մեծ դժարութեամբ է ձեռք բերում, քան հարուստը: Այստեղ առանձնապէս կարևորը այն է, որ անուղղակի հարկերը որքան մեծանում են, այնքան աւելի աշխատաւորի ծառայութեան վարձը հարուստը պակասեցնում է. որովհետեւ, որքան

ծախսերը շատանում են և վատանում է խեղճ ժողովրդի դրու-
թիւնը, այնքան նա, աշխատաւոր ժողովուրդը, ստիպւած է լի-
նում ապրուստի նոր աղբիւրներ ճարել, գործ փնտռել, հետևա-
պէս այնքան, նա աւելի անտանելի կերպով է կախուում հարու-
ստի փեշերից:

Գործածութեան անհրաժեշտ պիտոյքների վրայ դրւած
անուղղակի հարկերի անարդար բաժանումից առաջանում է հա-
րուստների առաւելութիւնները, իսկ աղքատ ժողովրդի վիճակը
օր օրի վրայ վատթարանում է և այդպիսով հիմնովին խորտակ-
ւում է հասարակական հարկերի բաշխման մէջ անհրաժեշտ հա-
ւասարութիւնը»:

Այժմ պարզ է, որ անհրաժեշտ պիտոյքների վրայ դրւած
անուղղակի հարկերը բնակչութեան ամենաաղքատ դասերի
համար ամենածանր ու ամենաանարդար հարկերն են:

Անցնենք, վերևում յիշւած ուղղակի հարկերի
քննութեան: Բանից երևում է, որ նրանցից բոլոր էլ իսկական
ուղղակի հարկեր չեն. այսինքն ում վրայ որ հարկ է դրւում՝
նա չէ վճարում հարկը, նա իր վրայ դրւած հարկը աւելաց-
նում է իւր հողից կամ գործարանից ստացած ապրան-
քների գնի վրայ կամ իրա բնակարանների վարձն է բար-
ձրացնում. այդպիսով ուղղակի հարկերը էլի ընկնում են
ժողովրդի վզին. սեփականատէրերի վրայ ընկած հարկերը տա-
լիս են բնակարան վարձողները, ապրանք աւնդները, մի խօս-
քով, սպառողները: Օրինակի համար, հողատէրը իւր
հողը վարձով է տալիս գործարանատիրոջ կամ որևէ կապա-
լառուին. իւր հողի վրայ գանձարանից դրւած ուղղակի հարկե-
րը նա աշխատում է սասանալ կապալառուից բարձրացնելով կա-
պալազինը: Ուրեմն հարկը վճարում է ոչ թէ հողատէրը, այլ
կապալառուն: Այժմ դուք տեսէք, որ այդ կապալառուն էլ աշ-
խատում է ազատել իր վրայ ընկած հարկից, բարձրացնելով
հողից ստացած ապրանքների, գները:

Բայց ո՞վ է վերջապէս այդ հարկերի իսկական վճարողը.
պարզ է, թէ ով. նրանք, որոնք աւնում են այդ ապրանքները,
այսինքն սպառողները ժողովուրդը:

Ուրիշ օրինակ վերցնենք: Մեծ մեծ տնատէրերը որոշ
հարկ են տալիս տէրութեան, նրանց ի հարկ է բոլորովին

ձեռքնառն չէ որ այդ հարկը իրանց իսկական գրպանից դուրս
ձգայ, ուստի նրանք հարկը աւելացնում են բնակարաններին
վարձագնի վրայ,—ով վարձում է բնակարանը, նա էլ իսկապէս
հարկ է վճարում: Նոյնը կատարւում է բնակարանային հարկե-
րի վերաբերմամբ. մեծ և ընդարձակ բնակարաններ վարձողը՝
առանձին սենեակներ քրահով տալիս՝ հարկի համեմատ բար-
ձրացնում է սենեակների ամսավարձը, հարկը փոքրիկ բնակա-
րան վարձողների վզին դնում, մէջ տեղից ինքը ազատւում...

Բայց շատերը կարող են ասել, թէ, ախր բոլոր մարդիկ
նրտեղից ունեն հողեր, աւն և բնակարաններ, որ կարողանան
դեռ վարձով էլ տալ:

Մեր խօսքը միայն ունեցողների մասին է և ոչ թէ
նրանց, որոնք կիսաքանդ խոնաւ խրճիթներում ոչինչ չու-
նեն, կամ, որոնց ունեցածը մի ողորմելի հողի կտոր է:

Մենք խօսում ենք նրանց մասին, որոնք շարունակ վար-
ձով են տալիս և վարձողներից շարունակ փող աշխատում, գանձ
դիզում, նրանց մասին որոնք ունեն և մեծ-մեծ տներ, և բազ-
մաթիւ բնակարաններ, և ընդարձակ հողեր: Դրանք են, որ խո-
րամանկ օձի պէս կամենում են իրենց բոլոր հարկերը խեղճե-
րի վզին դնել:

Այդպէս ուրեմն, մենք տեսնք, որ այդ ուղղակի կոչւած
հարկերը,—որոնք ճիշտն ասած շատ քիչ են դանազանւում ա-
նուղղակի հարկերից,—գլխաւորապէս էլի աղքատ ժողովրդի
վզին են ընկած ու ճնշում նրան:

Իսկ ճշմարիտ և արդարացի ուղղակի հարկը այն հարկն
է, որը ստացւում է գ ու տ ե կ ա մ ու տ ի ց, գ ու տ շ ա-
հ ի ց, կ ա մ խ ո շ ո Ր ժ ա ո ա ն գ ու թ իւ ն ի ց, և հար-
կի ծանրութիւնը ընկնում է այն անձի վրայ, որից անմիջապէս
աւնւում է:

Տուրքերի, «ոսկու» հարկերի թովջի անելու, բաշխման և
հաւաքելու այս կամ այն եղանակը կոչւում է հարկա-
տւ ու լ թ ե ա ն ս ի ս տ ե մ:

Մինչև այժմ մեր քննած հարկային սխտեմը, որի մէջ
ինչպէս տեսնք գլխաւոր տեղը բռնում են անուղղակի հարկե-
րը, պարզ կերպով ամենաանարդարացին է բնակչութեան
չունեող դասակարգերի համար, չափից դուրս ծանր, տնաքանդ

անող:

Բայց այդ դեռ ոչինչ:

Մենք պէտք է այժմ բննենք ու տեսնենք, թէ ինչպէս և ինչի վրայ է գործադրուում այդ անարդարացի ու խիստ միջոցներով հաւարած ժողովրդական ահազին գումարները: Մենք պէտք է խիստ իմանանք, թէ ինչպէս է ծախսուում, որտեղ է կորչում միլիոնաւոր խեղճերի ծանր ու մաշող աշխատանքով արին-քրտինքով վաստակած կոպէկները:

«Գանձարանը ծախսուում է տէրութեան կարիքների համար», — սուում են, սովորաբար, ու հանդատանում: Բայց մի հարցնող չկայ, թէ այդ ինչ կարիքներ են՝ միլիոնաւոր բնակիչների կարիքներն են, թէ ուրիշ. ուրիշ խօսքով՝ այնքան ծանր միջոցներով եթէ ժողովուրդը լցնում է պետական գանձարանը, արդեօք դրա փոխարէն իրա կարիքներին ու պահանջներին բաւարարութիւն տալու համար ստանում է նա գանձարանից որևէ բան, թէ ոչ:

Արդեօք, ժողովրդի դրութիւնը լաւանում է, թէ չէ:

Վերջինսը ուշաց կառավարութիւնը, ու տեսնենք ժողովրդի փողերը նա ինչ է անում:

Ամեն տարի Ֆինանսների մինիստրը, այսինքն փողերի վրայ հսկող մինիստրը, յունվարի մէկին տէրութեան եկամուտների և ծախսերի ցուցակը կազմում է ու տպում լրագրներում: Այդ ցուցակի մէջ պետութեան եկամուտները կարգով թւելուց յետոյ, (դրանց մէջ, ինչպէս ասել ենք, գլխաւոր տեղը բռնում են անուղղակի հարկերը), — բերում է պետական ծախսերի հաշիւը:

Ծախսերը բաժանուած են գանազան մինիստրութիւնների վրայ. — այսօրան միլիոն՝ զինւորական մինիստրութեան վրայ ծախսած, այսօրան միլիոն՝ ծովային, այսօրան ներքին գործոց, լուսաւորութեան կամ արդարադատութեան և այլն:

Գանձարանի բոլոր փողերի ամենամեծ մասը կլանում է գ ի ն ու ռ ա կ ա ն մ ի ն ի ս տ ռ ու թ ի լ ն ը: Ռուսաստանը պահում է միլիոնաւոր, ահազին զօրք: Կառավարութիւնն էլ միշտ գոռոզանում էր իր զինւորական զօրութիւնով. բայց ինչ դառաւ այդ զօրութիւնը. — փոքրիկ Եպպոնեան սկզբից մինչև վերջը ջարդ էր տալիս ուղևական զօրքին և նրա զօրութիւնը

ուսպօնի պղպճակի պէս շաղ եկաւ: Աւելի մեծ խայտառակութիւն պատահեց նրա ծովային զօրութեան հետ՝ միլիարդներ արժեցող հսկայական նաւատորմից միայն ողորմելի տակահարը մնաց: Բայց այստեղ չարժէ դրա վրայ երկար կանգ առնել: Մի բոպէ ենթադրենք, որ ուրիշ հանգամանքներում թէ մեր զօրաբանակը, թէ նաւատորմիդը կանգնած են իրենց կոչման բարձրութեան վրայ և կը կատարեն իրենց վրայ դրած պարտականութիւնը:

Բայց ո՞րն է զօրքի կոչումը.

Ինչո՞ւմ պիտի կայանայ նրա պարտականութիւնը: Արդեօք, այդ կոչումը համապատասխանում է միլիոնաւոր կիւսաբաղցած ժողովրդի իսկական շահերին, թէ ոչ:

Քննենք ուշադրութեամբ: — Զօրքի և նաւատորմիդի պարտականութիւնը, ի միջի այլոց, կայանում է նրանում, որ օտար թշնամիներից պետութիւնը պաշտպանեն: Ամեն մի պէտութիւն, դրսի յարձակումից վախենալով, պահում է զօրք և նաւատորմեք: — Զատ լաւ:

Բայց պատերազմները ինչից են ծագում:

Պատերազմները լուսաւոր տէրութիւնների մէջ դլխաւորապէս ծագում են առևտուրի համար մեծ շուկաներ (բաղարներ), հարուստ երկրի կտորներ, յարմար նաւահանգիստներ ձեռք բերելու համար, կամ ուրիշ պատճառներից:

Փողատէր ֆարրիկանները և հողատէր կալածատէրերը ամեն տարի ստիպում են իրենց բանւորներին ահազին քանակութեամբ ապրանքներ պատրաստել: Բնակչութեան ազքատ դասերը իրենց չբաւարութեան պատճառով չեն կարողանում շատ ապրանք առնել, եթէ մի բան էլ առնում են, դա շատ քիչ է լինում, այնպէս որ ահազին քանակութեամբ ապրանքներ մնում են թափած: Այդ բոլորից այն է դուրս գալիս, որ մի՛ կողմից՝ տէրութեան մէջ միլիոնաւոր մարդիկ չեն կարողանում թէկուզ մի փոքր մարդավայել կերպով կերպիւրել, խմել և հագնւել, ու կոպէկների համար օրն ի բուն, ուժից վեր աշխատում են՝ զրկելով քնից ու առողջութիւնից, միւս կողմից՝ միաժամանակ հարուստների մօտ դիդում են ապրանքների ահազին կոյտեր, որոնց տեղաւորելու սեղ անգամ չի գտնուում: Այդ ահազին կոյտերը նրա համար չէ, որ սարեր գառնան իրանց տէրերի

ուրախացնեն. Ոչ ի հարկէ, բոլորովին ոչ:—Հարուսաներին հարկաւոր է, որ որքան կարելի է շատ ապրանք վաճառուի որպէս զի շատ օգուտ ստացել: Եւ եթէ տէրութեան ներսում հնաւորութիւն չկայ վաճառելու, այն ժամանակ նրանք աշխատում են օտար երկրներում շուկաներ փնտռել, իրանց ապրանքները սպառելու համար՝ այնտեղ առնողներ գտնել:

Այդ ճանապարհով ամեն մի տէրութիւն ուզում է հարստանալ, և ահա սկսում են պայմանագիրներ ու բանակցութիւններ: Դէ, միշտ ի հարկէ դործը խաղաղութեամբ չի վերջանում:

Ամեն տէրութեան մեծ փողատէրերը (կապիտալիստները) աշխատում են որքան կարելի է շատ սլոկել ու յափշտակել, մանաւանդ եթէ վէճը վերաբերում է մի ուրիշ երրորդ, քիչ լուսաւորւած երկրի: Այստեղ շատ անգամ բանը կուի է հասնում—պատերազմ է ծագում: Պատերազմ է ծագում և այն ժամանակ, երբ ուզում են իրար ձեռքից խլել որևէ շահաւէտ երկրի կտոր, նաւահանգիստ, կամ որևէ տեղի երկաթուղիներ, որոնք մեծ օգուտներ են տալիս:

Բոլոր ավաշկանքա կամ ծածուկ պատճառներից դրդւած պատերազմ են սկսում ու միշտ յայտարարում, թէ «հայրենիքի շահերի համար են կուռւմ, նրա արդիւնաբերութիւնը դարգացնելու, այսինքն նրա ապրանքները դուրս տանելու և օտար երկրներում վաճառելու ու շահուելու համար»:

Սուտ է, այդպիսի բան չկայ:

Խեղճ ժողովուրդ, դու կառավարութեան ամեն խօսքին հաւատում ես ու չը դիտես, որ քո աչքերը նա միշտ թող է փչում և քեզ երբէք ճիշտ ու պարզ խօսք չի ասում:

Այդ ճշմարիտ ու պարզ խօսքը այն է, որ հայրենիքի օգուտ-մօզոտ իսկապէս գոյութիւն չունի, և որ այդ բոլոր պատերազմները խոշոր կալւածատէրերի, ֆարքիկանտների և մնացած մեծ փողատէրերի շահերի համար է անուում:

Փողատէրերի, կապիտալիստների այդ օգուտ-մօզոտ ամեն տէրութեան մէջ պետական իշխանութեան, այսպէս սասած, եղբայրն է. ամեն երկրում նա է կառախարութեան վրայ ամենամեծ, համարեա միակ ազդեցութիւն ունեցողը:

Մեծ փողատէրերի, բուրժուազիայի շահերի համար կա-

ռավարութիւնը պահապան շան նման միշտ կանգնած է, և հարկաւոր դէպքում իրա ամբողջ զինուորական ուժը դուրս է բերում նրա շահերը պաշտպանելու՝ դրսի և «ներքի» թշնամիներից: Իսկ հասարակ աշխատաւոր ժողովուրդը. Ո՛վ է մտածում նրա մասին:

Ոչ ոք:

Հասարակ ժողովուրդը այդ խեղճերի բաղմամբիլիօն ամբողջ ամեն տեղ ապրում է վերջին ծայր թշուառութեան մէջ: Աշխատաւոր ժողովուրդը իւր արիւն քրտինքի վաստակով լըցնում է պետական գանձարանը. նա իւր դաժան անխոնջ աշխատանքով անհաշիւ հարստութիւն է դիզում իւր կաշին քերթող տէրերի համար. իրա արիւնը ծծողների փարթամ կեանքի համար նա տնքում է շարունակ ծանր բեռի տակ: Այդ ժողովուրդը ուրիշի ունեցածի ետևից չի ընկնում. նա գործ չունի օտարի հողի և երկաթուղիների հետ: Ծնւում է նա աշխատանքի քուրայում, ամբողջ կեանքում վաստակած-կորուցած մէջքը չի ուղղում և մեռնում է աղքատութեան մէջ...

Բոլոր երկրներում, ամեն տէրութեան մէջ խեղճ աշխատաւոր դասերը բնակչութեան ամենամեծ մասն են կազմում: Նրանք ի՛նչ ունեն, որ իրար մէջ բաժանեն: Նրանք ի՛նչ պատճառով պիտի միմեանց հեռ պատերազմեն, ինչո՞ւ պիտի իրար անաքանդ անեն, իրար կոտորեն:

Ընդհակառակը բոլոր երկրների աշխատաւոր մարդիկը պէտք է եղբօր նման ձեռք ձեռքի տւած դուրս գան կուռելու իրենց շահագործող, իրենց արիւնը ծծող խաւար ուժերի դէմ: Փոխանակ միմեանց կոտորելու, զանազան երկրների խեղճ ու աղքատ մարդիկը պէտք է միանան իրենց ճնշողների դէմ ընդհանուր կռիւ մղելու համար: Միայն այդ տեսակ կուռով նրանք կարող են իրանց վիճակը թեթեւացնել և բարւոքել:

Այդպիսով աշխատաւոր-պրոլետար դասակարգը, հակառակ հարուստ դասակարգերի, ո՛չ մի շահ չունի ժողովուրդների միմեանց հեռ ունեցած զինւած կռիւներից: Ոչ թէ միայն շահ չունի, այլ և այդ կռիւների ամբողջ թշուառութիւնները ուղի չուղի իր զլխին պիտի թափուի:

Ապա ուրեմն, թէ, այդ պատերազմները, թէ այդ մշտական դօրքը, որ կլանում են ժողովուրդի վերջին ուժերն ու կարո-

դուժինը, բայց արձակապէս աշխատաւոր ժողովուրդի շահերի դէմ են:

Բայց այստեղ մի աւելի սարսափելի բան կայ: Յայտնի է որ մշտական զօրքը, բացի դրսի թշնամիներին դիմադրելուց, պաշտպանում է և կառավարութիւնը ու նրա թև ու թիկունք դառած արիւսպետող հարուստ դասակարգերը ն ե ր ք ի ն թ շ ն ա մ ի ն ե ր ի ց:

Ով է այդ ներքին թշնամի ասւածը:

Հէնց ինքը, կառավարութեան զօրք աւող, ժողովուրդը. այն մշտապէս ճնշւած, կեղեքւած ժողովուրդը, որ վճռում է ոտքի կանգնել պաշտպանելու իր ոտնահարած իրաւունքները ու մարդավայել կեանքի համար կռու մղել...

Ահա դրանք են զինուորական գործում պետական կարիքները: Մենք տեսանք թէ դրանք որքան հեռու են ժողովրդի կարիքներից և որքան հակառակ՝ նրա շահերին:

Այժմ վերցնենք քննելու այսպէս ասած ժողովուրդական լուսաւորութեան վրայ եղած ծախսերը:

Մի կողմը թողնենք դեռ այն հանգամանքը, որ ժողովրդական լուսաւորութեան ծախսերը կազմում են գանձարանի ընդհանուր ծախսերի մի շատ չնչին մասը. բայց դուք տեսէք, որ նոյն իսկ այդ չնչին գումարը չի ծախուում ժողովրդի խկական լուսաւորութեան, կրթութեան համար, այլ գործադրում է բարձրագոյն և միջնակարգ դպրոցների, այսինքն, համալսարանների, ճեմարանների, դիմնադիական և ուէլական դպրոցների վրայ:

Բայց այդ բարձր և միջին կարգի դպրոցները աղքատ ժողովրդի որդիների համար չեն ստեղծւած:

Այդտեղ մտնելու համար նրանց առաջը կտրում են հազար ու մի միջոցներով, օրինակ ուսման մեծ վճարով, կամ որպէսզի բոլոր ցանկացողները տեղ չը գտնեն՝ դպրոցներ քիչ թւով են բաց անում. կամ դնում են հազար ու մի արգելքներ, որոնք բոլորն էլ ուղղւած են միմեայն աղքատների դէմ:

Իսկ այդ խեղճերի, հասարակ ժողովուրդ ասւածի համար բանում են աւանձին տեսակի ստորին ուսումնարաններ, որտեղ այնքան չեն կրթում, որքան այլասեռում, փշայնում են երեխաների հոգին ու միտքը: Վերջապէս եթէ մի բան էլ սովորեցնում են

ուսումնարանից դուրս գալուց յետոյ, մի քանի տարի անց, բուրքը մոռացւում է, որովհետև կրթութիւնը շարունակելու հնար չեն տալիս, գրադարաններ չկան, լաւ ու էժամազին գրքեր չը կան, կարգալու բոլորովին ժամանակ էլ չկայ...

Ուրիշ բան է հարուստ բուրժուաների որդիները. նրանց առաջ բաց են թէ համալսարանների, թէ ճեմարանների ու դիմնադիօնների, թէ գրադարանների և ուրիշ շատ կրթական հաստատութիւնների դռները:

Հետևապէս եթէ այս դէպքում էլի խօսում են պետական կարիքների մասին՝ մենք պէտք չարունակ մտաբերենք, որ խօսքը հարուստ դասակարգերի, այսինքն՝ բուրժուազիայի կարիքներին ու պահանջներին կամ նրանց շահերին է վերաբերւում: Իսկ քաղաքային և գիւղական ժողովրդի կարիքներն ու պահանջները, աշխատաւոր դասերի՝ պրօլետարեաւսի կարիքները միշտ անուշապիթ են թողնւում:

Իսկ ներքին գործոց մինիստրութիւնը նա ղում կարիքներն է, ղում շահերն է պաշտպանում:

Նա երկրի ներսում «կարգ» պահպանելու հոգան է քաշում նա խիստ կերպով հետևում է, որ պետութեան մէջ հանգստութիւն և խաղաղութիւն լինի...

Նա միլիտաններ է վատնում ոստիկանութեան, ժանդարմների և ամեն տեսակ գաղտնի և աշկարա գործակալների համար: Բայց ինչու համար, կամ ղում համար է անւում այդ բոլորը:

Ժողովրդի համար. Ոչ, ընդհակառակը. այդ բոլորը անւում է միայն ժողովրդի և նրա շահերին հակառակ:

Ժողովրդի այդ շահերը պահանջում որ են պետական ու ժողովրդական կեանքին վերաբերող գործերը կատարեալ ազատութեամբ քննեն: Բայդ այդ ազատութիւնը չեն տալիս, որպէսզի ժողովուրդը իւր թշւառութեան իսկական պատճառները չը հասկանայ և չը վճռի ոչնչացնել իր թշնամիներին: Եթէ ժողովուրդը հասկանար իր դժբախտութեան պատճառները, այն ժամանակ պիտի խանգարւէր բուրժուազիայի և առհասարակ այս աշխարհի գօրեղների «խաղաղութիւնը և հանգստութիւնը»:

Ուրեմն, անեղ կերպով հրամայում է ներքին գործոց մի-

նիսարութիւնը՝ թող չը համարձակի ոչ որ ազատ խօսել, գրել, հաւաքել. թող չը յանդգնեն համախմբել ու պաշտպանել իրանց շահերը... որովհետեւ կարող է խանգարել բոլոր կեղեքիչներին ու շահագործողներին. բոլոր ճնշողների հանգստութիւնը, նրանց, որոնց բարեկեցութիւնը հիմնուած է ժողովրդի տգիտութեան ու անասնական անբանութեան վրայ...

Բայց հարուստների և կարողութիւն ունեցողների վրայ եղած կառավարութեան հոգատարութիւնը դեռ չէ վերջանում:

Եւ խաւար, մի կտոր շոր հացի համար տառապող անկերթ ամբողջ հէնց էն է շարունակ քանդում-խախտում է երկրի անարդար օրէնքները: Թող չը գէտ ուղղուած ուժեղների օրէնքները և ամեն օր զանազան յանցանքներ է գործում: Այստեղ օգնութեան են դալիս դատարանները, բանտերը և տաժանակիր աշխատանքները: Իսկ այս հաստատութիւնների ծախսերի համար դանձարանը բաց է թողնում ահագին միլիոններ և դարձեալ իբր թէ «յանուն պետական կարիքների»:

Այդ կարիքները ժողովրդի կարիքները չեն. բանտերով ու տաժանակիր աշխատանքներով չի կարելի կերակրել սոված մարդկանց և ո՛չ էլ սարսափեցնել նրանց. այդ պատճառով օրէ ցօր յանցանքները շարունակ շատանում են:

Մենք կարող էինք դեռ շատ երկարացնել մեր քննութիւնը և տեսնել, թէ ինչպէս են «պետական կարիքների» անւան տակ փշացնում ժողովրդական փողերը. բայց վերևի ասածներն էլ բաւական են, ցոյց տալու որ այսպէս ասած պետական կարիքները ո՛չ միայն բնակչութեան ամենաաղքատ ու ամենամեծ մասի՝ ժողովրդի՝ կարիքները չեն, այլ և ուղղակի, համարեայ միշտ, այդ կարիքների հակառակ:

Պետական կարիքները միայն և միայն հարուստ ու տիրապետող դասակարգերի կարիքներ են:

Այդպիսով մենք տեսանք, որ ռուսական հարկային սխտեմը ո՛չ միայն ժողովրդի համար անարդարացի և ծանր է, այլ և այդ միջոցով հաւաքուած փողերը չի գործադրում ժողովրդի կարիքների և շահերի համար:

Այժմ մենք պէտք է ցոյց տանք, թէ ինչպէս պէտք է լինի հարկերի բաշխումը ու հաւաքումը, հարկային սխտեմը,

որպէս զի ժողովրդի համար արդարացի ու թեթեւ լինի:

Յետոյ, մենք պէտք է ցոյց տանք, թէ որոնք են ժողովրդի իսկական կարիքները և ինչպիսի պայմաններում է հնարաւոր այդ սխտեմի իրագործելը և այդ կարիքներին բաւարարութիւն տալը:

Մենք արդէն ասել ենք, որ հարկը պէտք է լինի միայն ուղղակի այսինքն, որ հարկատուն իսկապէս ինքը վճարի և ոչ թէ իւր հարկը ուրիշի վրէն դնի: Այսպէս կարող է լինել այն հարկը, որը առնուում է զուտ եկամուտից կամ զուտ օգուտից, և որը կոչուում է ուղղակի եկամուտային հարկ:

Բայց այդ դեռ բաւական չէ:

Որպէս զի նա և արդարացի լինի պէտք է եկամուտի ու զուտ օգուտի շտամնարու հետ աւելանա և՛ հարկը ու ոչ թէ մշտապէս նոյնը մնայ:

Բացատրենք՝ դրա նշանակութիւնը. հինգ տոկոս եկամուտային հարկ կոչուում է այն գումարը, որը վերցնուում է ամեն 100 ռուբլի եկամուտից: Այդպիսի տոկոսով հաշուած 300 ռուբլուց կտացի հարկ 15 ռուբլի, 1000 ռուբլուց 50 ռուբլի և այլն: Բայց խորը քննութիւնը ցոյց է տալիս, որ եթէ հարկային տոկոսը նոյնը լինէր ամեն տեսակ եկամուտների համար, այսինքն մանր, միջակ և խոշոր եկամուտների, այն ժամանակ հարուստները իրենց խոշոր զուտ եկամուտների համեմատաբար ավելի քիչ հարկ կը վճարէին, քան միջակ կարողութեան տէր մարդիկ: Վերջիններիս համար այդպիսի բաշխումը առաջինների հետ համեմատած շատ ծանր կլինէր:

Օրինակի համար վերցնենք երեք մարդ. մէկի տարեկան եկամուտը 600 ռուբլի է միւսինը՝ 3000 ռ. իսկ երրորդինը 30,000 ռուբլի: Միտեսակ 5 տոկոս հարկերի բաշխման ժամանակ, առաջինը եկամտային տուրք կը վճարի 30 ռուբլի, երկրորդը՝ 150 ռուբլի երրորդը՝ 1500 ռ: Կարծես թէ այդպէս արդարացի կը լինէր, բայց միայն այդպէս թւում է:

Մի ընտանիքատէր՝ տարեկան միայն 600 ռուբլի եկամուտ ունեցող՝ մարդու համար 30 ռուբլուց զրկելը չափազանց զգալի է, որովհետեւ նա ծայրը ծայրին հագլու է կարողանում հասցնել ու եթէ այդ 30 ռ. մնար նրա մօտ, նա անկասկած կը գործադրէր այդ փողը իւր կամ իւր ընտանիքի անհրաժեշտ պէտքերի վրայ:

Մինչդեռ 30,000 բուրլի տարեկան եկամուտ ստացողը 1500 բուրլի հարկ տալուց յետոյ, իւր մօտ կը պահէր 28,500 բուրլի՝ էլի մի ահագին չուամար: Այդ գումարի մի մասը, առանց ինքն իրեն որեէ բանից զրկելու, նա պէտք է կամ դիզի, կիւտ տայ, կամ քամու բերան տայ, շաղ տայ, քէֆ անի, տրաքւելու շափ գերանայ՝ ու ճարպի շատութիւնից՝ կատաղի...

Մինչդեռ արդարութիւնը պահպանած կ'լինենք միայն այն ժամանակ, երբ դանազան եկամուտները համար կը նշանակելի դանազան հարկային տոկոս. այսինքն մանր եկամուտները համար՝ քիչ տոկոս, միջակ եկամուտները՝ աւելի մեծ, և վերջապէս խոշոր եկամուտները համար—ամենամեծ տոկոս:

Դրա հետ միասին հարկաւոր է, որ փոքր եկամուտները, օրինակ մինչև 600 բուր, հարկից բոլորովին ազատուի, 600 բուրուց աւելի եկամուտ ստացողը՝ վճարի, ստենք 2⁰/₁₀₀ հարկ, աւելի շատ ստացողը՝ 3⁰/₁₀₀, 4⁰/₁₀₀, 5⁰/₁₀₀, 6⁰/₁₀₀ և այլն: Որչափ խոշոր է եկամուտը, այնքան էլ մեծ պիտի լինի հարկային տոկոսը:

Այդպիսի ուղղակի եկամտային հարկը, երբ եկամտի անելու հետ միասին մեծանում է հարկի տոկոսը, կոչոււմ է պրօգրեսիւ (առաջադիմող) եկամտային հարկ:

Պարզապէս նկատելի է, այն տաքսերութիւնը, որ կայ այդ հոստակ հարկի և այն հասարակ եկամտային հարկի մէջ որի արկային տոկոսը ամեն տեսակ, մեծ ու փոքր, եկամուտների համար էլ անփոփոխ է մնում: Այդպիսով մենք իմացանք, որ պրօգրեսիւ (առաջադիմող) եկամտային հարկն է, որ համապատասխանում է ժողովրդի աղքատ դասակարգերի շահերին, որովհետև այդ ժամանակ միայն չքաւորները կազատուին միանգամայն անարդարացի, նրանց համար անտանելի, հարկերի լծից:

Բոլոր մնացած հարկերի տեսակները, դրանց թւում նաև անուղղակի հարկերը, պէտք է վերացնեն, պիտի բոլորովին ոչնչանան:

Գանձարանը իւր եկամուտները պիտի հաւաքի ոչ թէ աղքատներից, որոնք առանց այդ էլ կ'իսաքաղցած դրութեան մէջ են ապրում, այլ հարուստներից, կուշտերից և վարթամութեան մէջ լող տւողներից:

Իսկ ինչպէս պիտի ծախուեն, ինչպէս պիտի գործադրեն այդ ճանապարհով ժողոված փողերը:

Ո՛ւմ կարիքների համար:—Ժողովրդի իսկական կարիքների համար, և ոչ այն պետական կարիքների, որոնք ինչպէս մենք արդէն տեսանք, ոչ մի կապ չունեն ժողովրդի՝ քաղաքային և գիւղական շունկոտների կարիքների հետ:

Մենք հասկացանք, տեսանք, թէ ինչ են նշանակում, այսպէս ասած «պետական կարիքները»:

Այժմ տեսնենք, որոնք են միլլիոնաւոր խեղճերի իսկական կարիքները ու նրանց ստիպողական պահանջները:

Պէտք է ամենից առաջ նկատենք, որ մեր ժամանակայ կառավարութիւնը չի կարող վերացնել գոյութիւն ունեցող հասարակական անհաւասարութիւնը, որի ամբողջ ոյժը հիմնւած է արդիւնաբերութեան միջոցների մասնաւոր սեփականութեան և դրանից ըզխող մի դասակարգի ձեռքով միւս դասակարգի ճընչելու, կեղեքելու և սարկացնելու վրայ:

Կառավարութիւնը չի կարող վերացնել այդ անհաւասարութիւնից առաջացած հետեւանքները ինչպէս աղքատութիւն, անգործութիւն, անժամանակ ծերութիւն ու մահ, բարքերի վայրենացում, յանցագործութիւն և այլն: Նա կարող է միայն թեթեւ չափով որոշ պայմաններում թուլացնել այդ թշւառութիւնները. իսկ կատարելապէս դրանց վերացնելու համար, պէտք է մասնաւոր սեփականութիւնները—գործարանները, դաւոդները և այլ հարստութեան աղբիւրները—յանձնել ամբողջ ժողովրդի ձեռքը.—այս դէպքում միայն կը վերանան թշւառութիւնները:

Բայց որպէս զի այդ բարեփոխութիւնը կատարելի և զուլազայ, պէտք է աշխատաւոր դասակարգերը անհրաժեշտօրէն անդուլ և յամառ կռիւ մղեն: Իսկ որպէս զի այդ կռիւը յաջող ընթացք ստանայ ու կուղղները համեմատաբար քիչ վնաս կրեն՝ պէտք է ստեղծել այդ նպատակին հետեւութեամբ հասնելու համար անհրաժեշտ բարեյաջող պայմաններ:

Այդ պայմանները սրանք են. ժողովրդի ամեն խաւերում պէտք է լայն կերպով տարածել կրթութիւն, լուսաւորութիւն որի համար հարկաւոր և անհրաժեշտ է ձրի ուսուցումն թէ ստորին և թէ բարձր ուսումնարաններում: Բացի այդ դպրոց-

ներից պէտք է ամեն տեղ հիմնել ընդարձակ ու հարուստ ընթերցարաններ, ժողովրդական համալսարաններ, թանգարաններ, թատրոններ և այլն, ուր ամենքը ուզողակի և առանց վճարելու մուտք ունենային. հարկաւոր է ծելութեան, անդամալուծութեան և աշխատանքի անընդունակութեան պէպերու մը ընդհանուր պետական ապահովագրութիւն. պէտք է պետութիւնը կենսաթոշակ տայ այրիներին ու որրերին և սոսաւարակ բոլոր դժբախտ պատահարներին ենթարկածներին: Հարկաւոր են երեխաների համար ձրի անկկանոցներ, բնակչութեան բոլոր դասերի համար միատեսակ ու ձրի դատաւարութիւն:

Կառավարութեան հաշուով պէտք է շինուին ամեն տեղ հաղորդակցութեան յարմար ճանապարհներ. պէտք է վերացնել մշտական գործը և նրա փոխարէն զինել ընդհանուր ժողովրդին ու ժողովրդական ընդհանուր զինավարժութիւն մտցնել և այլն:

Ահա դրանք են ժողովրդական իտիական կարիքները, որոնց բաւարարութիւն պէտք է տալ գանձարանի միջոցներից:

Բայց շարժելի գուցէ խորթ է թւում, թէ այդ ինչպէս է, որ գլխաւորապէս հարուստներից հաւաքած հարկերը պէտք է գործադրել ամբողջ բնակչութեան, որոնց մէջ և աննապաղատ դասերի կարիքների համար:

Արդարացի և օրինաւոր է այդպէս վարելը:

Այն, արդարացի և օրինաւոր է: Եւ, իսկապէս, ո՞ւմ ձեռքերով է ստեղծուել ու ստեղծուում այն անաղին հսկայական հարստութիւնը, որ այժմ միայն հարուստներին է պատկանում:

Խեղճ աշխատաւորների ձեռքերով, կը պատասխանեն բոլորը: Միլլիոնաւոր բանուորների գաժան, հիւժոյ աշխատանքի արդիւնքը դարձել է հարուստների փայլն ու շքեղութիւնը:

Եւ այժմ նրանք իրաւունք ունեն պահանջելու, որ այդ հարստութեան գոնէ մի մասը ետ դարձնել իրենց, որպէս զի դրանով մասամբ կարողանան իրենց կարիքներին բաւարարութիւն տալ, իրենց տաժանակիր կեանքը մի քիչ բարեկարգել:

Բայց ո՞վ է կարող իրականացնել խեղճերի իրաւունքը և ինչպէս պիտի այդ գլուխ բերել:

Ո՞վ պիտի աղատէ անաղղարացի կերպով նրանց վրին գըրած անուղղակի և այլ հարկերից:

Ի հարկէ հարուստները այդ չեն անելու, որովհետև իրենց կամբով նրանք իրենց վրայ մի կողմէ ակելորդ փող չեն գնի: Հարուստները ի՞նչ գործ ունեն աղքատների ցաւերի հետ:

Թշուա ժողովրդի դարգերի հետ ոչ մի գործ չունեն նոյնպէս իշխանաւորները, որոնք հարուստների կողմն են պահում, միշտ և ամեն բանում նրանց հաւատարիմ դաշնակիցն են ու պաշտպանը:

Ո՞չ, աշխատաւորները նրանցից չը պիտի սպասեն իրենց համար պաշտպանութիւն և օգնութիւն: Աշխատաւոր դասակարգի կարիքները նրանք չեն հոգալու, նրանք չեն մտցնելու արդարացի հարկեր: Աշխատաւորները իրենք պէտքէ գործի գլուխ անցնեն և միմիայն յոյս գնեն իրենց ուժերի վրայ. իսկ դրա համար նրանք ամենից առաջ պիտի ձեռք բերեն օրէնսդրական իշխանութիւն, այսինքն, որ աշխատաւոր դասերը պետական օրէնքներ կազմելու, պետական եկամուտները բաժանելու, կամ նրանց ծախսի վրայ հսկելու իրաւունք ունենան: Այն ժամանակ նրանք կը հրատարակեն այնպիսի օրէնքներ որով կը վերացնեն բոլոր անուղղակի հարկերը և կը մտցնեն միակ կանոնաւոր պրօգրէսսիվ (առաջագիմոյ) եկամտային հարկը: Այդ օրէնքով բոլոր խեղճերը կազատէին միանգամայն ամեն տեսակ հարկերից, որովհետև նրանց սարեկան եկամուտը կարող էր մի յայտնի գումարից, օրինակ 600 մանէթից, պակաս լինել:

Միայն աշխատաւոր դասակարգերի իտիական ներկայացուցիչները կարող են ձեռք բերել օրէնսդրական ժողովում այդ և դրա նման ուրիշ օրէնքներ: Միայն նրանք կարող են պաշտպանել իրանց դասակարգի շահերը:

Իսկ որպէս զի աշխատաւոր դասի ներկայացուցիչները մասնակցեն այդ ժողովում՝ անհրաժեշտ է, որ ամբողջ կրկրում պատգամաւոր ներկայացուցիչների ընտրութիւնը հիմնուած լինի ընդհանուր, ուղղակի. հաւասար և գաղանձի ձայնատուութեան վրայ, և այն պայմանով միայն, որ խօսքի, մամուլի, ժողովների ազատութիւն լինի, որ անձի և բնակարանի անձեռնմխելիութիւն լինի:

Ազատութեան այդ բոլոր տեսակները անհրաժեշտ են,

որպէսզի աշխատաւոր դասակարգը ազատօրէն կարողանայ
քննել իւր կարիքները և որոշ պահանջներ առաջադրել:

Ընտրութիւնները պէտք է լինեն՝

ԸՆԴՀԱՆՈՒՐ, այսինքն, բոլոր չափահաս տղամարդիկ և
կանայք պէտք է մասնակցեն օրէնսդրական ժողովի պատգամա-
ւորների ընտրութեան գործում:

ՈՒՂՂԱԿԻ, այսինքն, ընտրողները ուղղակի դառնում են
Օրէնսդրական ժողովի պատգամաւորներ, և ոչ թէ մէկ էլ ի-
րանց միջից են ընտրութիւններ անում:

ՀԱՒԱՍԱՐ, այսինքն, որպէս զի ամեն մի ընտրող, հա-
րուստ թէ ազքատ, կրթւած թէ անկիրթ, ընտրութիւնների
ժամանակ միմիայն մի ձայն ունենայ:

Եւ վերջապէս ընտրութիւնները պէտք է լինեն ԳԱՂՏՆԻ,
որպէս զի ոչ որ շիմանայ, թէ այս կամ այն բնարողը ում է
ձայն տալիս, և, հետեապէս, ոչ մի կերպ չը կարողանայ ճշն-
շում գործ դնել ընտրողի կամքի վրայ:

Այսպէս ուրեմն, Օրէնսդիր ժողովում աշխատաւոր դասա-
կարգերի ամենաառաջին պահանջներից մէկը պէտք է լինի՝

ՎԵՐԱՑՆԵԼ ԲՈՂՈՐ ԱՆՈՒՂՂԱԿԻ ՀԱՐԿԵՐԸ և մտցնել
պրօգրեսսիւ—(ըստ կարողութեան համեմատաբար առաջա-
դիմող)—եկամտային հարկեր:

ՀՀ Ազգային գրադարան



NL0209270

ԼՈՑՍ Է ՏՆՍՆԼ

1. Ա. Ն. ԲՍԽ. — Հարուստները և աղքատները . . . 20 կ
2. Ա. Վ. ՊԵՂԵՆԻՍՆՈՎ. — Հաց, լոյս և ազատութիւն 12 կ.
3. ՓԷԴՕՐՕՎԻՉ. — Ինչպէս են ժողովուրդը և ծախուում ժողովրդական փողերը.

ՏՊԱԳՐԻՈՒՄ ԵՆ

1. Փ. ԼԱՍՍԱԼ. — Սահմանադրութեան մասին
2. ՊԱՍՄԱՆԻԿ. — Ազգային հարցը սօցիալ-դեմոկրատիայի զատարանի առաջ.
3. ԱՆՆԵՆՍԿԻՅ. — Գիւղացիական հարցը Ֆրանսիայում.
4. ՉԵՐՆՅՎ. — Գիւղացին և բանուորը.

Պատրաստում են տպագրութեան համար մի շարք արիշ գրքեր

Պահեստում գտնուում են.

1. ԼԻԲԿՆԵՆԻՇ. — Սարգերը և ճանճերը 1 կ.
2. Ինչպէս են գիւղացիները կուում իրենց կարիքների համար 10 կ.

Յանկայողները գիմեն «Յառաջ»-ի խմբագրատուն
Փրէյլինսկայա № 6.